



# ҚАЗАҚ УНИВЕРСИТЕТІ

№ 11 (1440)  
20 наурыз,  
2012 жыл



ӘЛ-ФАРАБИ АТЫНДАҒЫ ҚАЗАҚ ҰЛТТЫҚ УНИВЕРСИТЕТІ



Апталық 1948 жылдың 20 сәуірінен шыға бастады

[www.kaznu.kz](http://www.kaznu.kz)

## НАУРЫЗ мерекесінің беделі зор



Ғалым МҰТАНОВ,  
әл-Фараби атындағы  
ҚазҰУ-дың ректоры

**Ақ мол,  
жыл ырысты  
болсын!**

**Құрметті  
әріптестер!**

Ұлыстың ұлы күні — Наурыз мейрамымен шын жүректен құттықтаймын!

Наурыз — күн мен түн теңелетін, ырыс пен мейірімнің, үміт пен сенімнің, ізгілік пен түсіністіктің, достықтың мерекесі. Наурыз — жыл басы. Бұл күні біз жасаған жұмысымызға есеп беріп, келешекке жоспар құрамыз, тәуелсіз еліміздің, көшбасшы университетіміздің өр-



**Көп тіл білсең, көкжиегің кең болар. Жаңа Қазақстанды бәсекеге қабілетті ету үшін жастардың сауаттылығы мен бірнеше тілді меңгеруі қажет. Ендеше шет тілдерін оқыту, қазіргі заманғы әдістемелер мен технологияларды енгізу арқылы сапалы білім беру – уақыт талабы, күн тәртібіндегі көкейкесті мәселе.**

Бұл мәселелер шетел филологиясы және жалпы тіл білімі кафедрасында онтайлы шешілуде. Оған шет тілдер апталығы дәлел. Апталық барысында ағылшын тілі секциясы шетел филологиясы және шет тілі: екі шет тілі мамандықтарының 1 және 2 курс студенттері арасында «English Language Contest» атты жарыс өткізді. Ол іріктеу кезеңінен және эссе жазу мен берілген тақырыпта сөйлеу, монолог түрінде баяндау кезеңдерінен тұрды.

Бір аптаға созылған тілдік сайыс нәтижесінде 1,2 курс студенттері арасында жүлделі орындарға ие болған «Ең үздік студенттер» анықталды. Жеңімпаздарға ф.ғ.к., доцент Т.Т. Жарасова диплом мен құнды кітаптарды сыйға тартты. 2 курс студенттері арасынан 1-ші орынды Ж. Текесбаев, 2-ші орынды Г. Немышева, 3. Күмісбекова, 3-ші орынды Ә. Аламанова, Ж. Сайдмұратова жеңіп алса, 1 курс студенттері арасынан 1-ші орынды Л. Ахметова, 2-ші орынды Л. Филиппова, Қ. Ахметқалиева, 3-ші орынды Ә. Надырова, Т. Қоржымбаева иеленді. Сонымен қатарын таландыру сыйлығына 2 курс студенті Қ. Байділдаева, 1 курс студенттері Н. Юсупова, С. Төлепбергенова және А. Жұматаева ие болды.

Шет тілдер апталығы аясында сондай-ақ, «Toastmaster's» клубының ұйым-

дастыруымен «Араб әлеміндегі саяси дағдарыс» атты тақырыпта талқылау өтіп, «Gone with the wind» атты видеофильм көрсетілді. Кафедраның аға оқытушысы А.А. Қамзинаның ұйымдастыруымен Францияның «Mardi Gras» атты мейрамы да аталды. Аға оқытушы Ш.М. Макатаеваның ұйытқы болуымен француз тілінен қазақ және орыс тілдеріне «Түпнұсқалық мәтінді аудару бойынша ең үздік аудармашы» атты сайыс орын алып, француз тілін оқитын 3 курс студенттері арасынан М. Шонова, Б. Құсанова, Ж. Сұлтанбекова сынды ең үздік аудармашылар анықталды. Сонымен, «Шет тілдер апталығының» жеңімпаздарын салтанатты түрде марапаттау рәсімі студенттердің қорытынды

концертіне жалғасты. 1 курс студенттері А. Берікболова мен Ж. Өрісбаев кешті ағылшын тілінде жүргізу арқылы тілдік білімдерін байқатты. Неміс, француз және ағылшын тіліндегі ән, поэзия, би, көрініс секілді музыкалық бағдарламалардың орындауы студенттердің шет тілдерін жоғары деңгейде меңгергендігін байқатады. Олар тек оқытылатын шет тілдерінің тілдік құрылымын ғана емес, сондай-ақ сол халықтардың мәдениетін, дәстүрін және де өнерін жете меңгергендігін дәлелдейді.

**Д.Б. РСКЕЛДИЕВА,  
М.А. ЖАҢАБЕКОВА,  
шетел филологиясы және жалпы  
тіл білімі кафедрасының  
оқытушылары**

## ШЕТ ТІЛДЕР АПТАЛЫҒЫ